

آئونه شرائطی : هر یر ایچون
سنه لکی (۴۰۰) آلتی آیلنی
(۲۲۵) ممالک اجنبیه ایچون
سنه لکی (۴۵۰) آلتی آیلنی
(۲۵۰) غروشدن .

نسخه سی ۷۵۰ غروشدن .
سنه لکی ۵۰۰ ددر .

اداره خانه : باب عالی جاده سنه
رشید افندی خاندن

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدلن
یازیلر اعاده اولماز .

الشیخ الاسلام

شماره ۱۳۳۰

آدره من تبدیلندم ایرنجیه
غروش کوندرلیدر .

مکتوبلرک امضالری واضح
واوقوناقلی اولنی و آبونه
مره نوسروسی محتوی
بولونسی لازمدر

ممالک اجنبیه ایچون آبونه
اولانلرک آدرس لری
فرانسجه یازلسی رجا اولنور .

بارم کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل الارشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

جلد ۲۳

۲۲ تشرین ثانی ۱۳۳۹

* پنجشنبه *

۱۳ ربیع الآخر ۱۳۴۲

عدد ۵۷۶

انغلیقان کلیساسنه جواب

شرعیہ ولایت مبلدسی طرفندره آنغلیقانه کلیساسنه کوندریلتمک اوزره ترقیفات و تالیفات اسلامیه هیئت علمیسی رئیس غالبسی شیخ عبدالعزیز
پاریسه اندری مضر تبریک تالیف بوبرور قدری جوابدر :

بدنک تمیزلکی

اک آغیر جزالره جارباردی . لکن میقروبوک کشفیله بومعظم حادثه نیک
علمده وجوده کتیردیکی مدهش انقلاب اوزرینه آرتیق دین اسلامک
دین حکمتلری ، معظم سرلری برر برر تجلی ایتدی و عصرلردن ،
نسلردن سوکره بوتون جهان تدقیق و تحریک انظار حیرتی اوکنده
انکشافه باشلادی .

صاحب رسالت صلی الله علیه وسلم افندی بوزک زمان ظهورندن بریدرکه
اسلام بدنک و اطراف بدنک تمیزلکی امرایدیور . حالبوکه میقروبوک
کشفندن اول کیمسه چیقوبده نهیه نظافت بوقدر صبقی طوتیلدور ،
نهدن تکرار تکرار تمیزلک فرض اولیور و ترک ایدن کیمسه طرف باریدن
معاتب اولیور ، بونده کی سری آکلامش دکلدی . آنجق طبابت
و حفظ صحت علملری بوزک رقیسی دولایسیله حیطة ادرا کمره کیرن
برطاقم کیزلی حقیقتلر سایه سنده یقین حاصل اولدی که اسلامک طهارت
و نظافت حقنده کی احکامی اویله غیر مسلملرک توهمی کی اسباب
جوتیدن ، یاخود بلاد حجازک صیجاقلغندن دکلش ؛ بو حکملرک کافسی
« یره کیرنی و یردن چیقانی ، کوکدن اینی و کوکه یوکسه لنی بیلن ، ۱ »
فاطر ذوالجلالک تبلیغ حکیمی ایش .

دین اسلام اللری و آغزک ، بوزک ایچنی ییقه مینی ؛ صوکره
[۱] « یلم ما یلج فی الارض وما یخرج منها وما یزل من السماء وما
یرج فیها - سورة حدید »

اسلام روحه اولدینی قدر بدنده اعتنا ایش . اوت مسلمانلرک
اخلاقی تهذیب ایله سینهلری امراض شرک و مفاسدین تطهیر ایچون
ناصیل کندیلرینه بر جوق عبادتله ، طاعتلر تعلیم الیمسه بدنلرینه
عافیت و یره جک ، وجودلری تمیز طوته حق اسبابی ده اویله جه
حاضر لامش .

مسلمانلقد و جودک تمیزلکی انسانی . أجور ایدن بر عبادتدر . هله
بعض احوالده برطاقم عبادانک صحی نظافته مربوط اولدینی ایچون فقه
کتابلرنده تفصیل ایدیان اسباب موجود اولدینی کی تمیزلک وجوب
کسب ایدر . استنجاء ، وضوء ، غسل کی که شارع بونلری ایشله نی مأجور ،
ترک ایدنی معاتب عد ایدیور . هله هیچ بر دین یوقدر که بدنک
طهارتی قسماً تکالیفی ، قسماً وصایای آره سنه قوان اسلام قادر
تمیزلکه اعتنا ایش اولسون .

آبدستک ، غسلک ، استنجانک ، طیرناقلری کسمه نیک و تمیزلکه نیک ،
بیقلری قیصالتمنک و بوقیلدن اولان دیگر تمیزلکلرک حکمتی خصوصیه
غریبلرجه اوزون زمان بیلته ممشدی . حتی اندلسده کی انکیزیسیون
حکملری غسل ایدن ، یاخود صو ایله تمیزلن ، یاخود آبدست آلان
کیمهلری آراشدره رق الله کچرنجه - اولومده ایچنده اولق اوزره -

یوزی ایچہ اوغورق بیقامہ بی، باشہ، قولافلرہ مسح ایتمہ بی، آیاقلری بیقامہ بی امرایدیور. بوندن باشقہ بعضاً واجب، بعضاً مسنون اولہرق بوتون وجودک بیقامہ سنی امرایدیور. [۱] کذلک وجودک بعض محللرندہ کی قیلاری ازالہ ایتمہ بی، طبرناقلری کسمہ بی و ایچندہ بولسان کیرلری تمیزلہمہ بی، پارمقلرک اوچلری و مفصللری تطہیر الہی امرایتدیکی کبی بیکدن اول اللری، بیکدن صوکرده هم اللری هم آغزی بیقامہ بی امرایدیور. برده دیشلری اوغہ بی و کرک دیشلرک، کرک دیشلک اوزرندہ کی پاسلری کیدرمک ایچون مسواک قوللانمای و مضضہ بی توصیه ده بولنیور. مسواک کوزل قوقولو بر آغاجدرک زمانزدہ کی فورچہ لک یرنی پک اعلا طونار. علیہ الصلاة والسلام افندیز صاچی اولانلرہ بیقامالری، طارامالری، یاغ سورونلری امرایدلردی. و کندیلری کون آشیری بونی یاپارلردی. صوکرہ سفرده، حضرده آینه، طاراق کبی شیلری یانلرندن اکسیک ایتمزلردی. [۲] جناب پیغمبر «کیمک صاچی وارسہ اوکا حرمت ایستین، یعنی تمیز طوتسون». بویورمشلردی.

برکر. حضور رسالتناہیلرینہ صاچی صاقالی قارمہ قاریشیق برآدام کلشدی. «بو آدمک سورونہ جک یاغی یوقی کہ صاچی، صاقالی یاتیشدیرسین؟» بویوردیلر؛ صوکرده «شیطان کیرر کبی کیریور.» دیدیلر.

علیہ الصلاة والسلام افندیز باشلرینک صاغ طرفده کی صاچلری ده آیریرلردی، صول طرفده کفی ده. شریعت اسلامیه نظافت بدنہ تشویق ایتمہ کی لباسک طہارتی و نماز ایچون کوزل و تمیز البسه کیلمہ سی مؤکد صورتده توصیه ایدردی: «و ثیابک فطهر - سورة مدثر، [۳] «یا بنی آدم خذوا زینتکم عند کل مسجد - سورة اعراف، [۴] بو موضوعی حقیلہ احاطہ ایدہ بیلیمک ایچون فقہ و حدیث کتابلرینہ مراجعت لازم. بزم یاپہ جعمر، کرک، طراف بدنک، کرک لباسک بیقاماسنہ و هر درلو بیلیمکدن تمیزلہسنہ دائر حفظ صحت علماسی طرفندن سویلان سوزلری اجمالدن عبارت. چونکہ طہارت و نظافتک احکام دینیہ دن اولماسندہ و جناب حقہ عرض ایدیلن عبادتلردن عدا بیلیمسندہ اسلامک نہ کبی مقصدی اولدینی او زمان آکله شیلہ بیلہ جک.

معلومدرکہ میقروبلر طامده موجود اطلاقیہ شایان نہ وارسہ همان ہپسنک اوزرینہ یابیلیمش بر حالده بولونیور. شیمدی تماسلر، مصافحہ لر، آلہ لر، بملر، ایچملر، طوتملر ال واسطہ سبلہ اولدقدن باشقہ ینلہ جک، ایچیلہ جک شیلری حاضر لاق، کوزکی، آغزکی عضولری اوغورق، سبلمک ایچون ده ینہ ال قوللانلیور. بو سبیدن حفظ صحت

- [۱] فقہ کتابلرینہ مراجعت
- [۲] احیاء العلوم جزؤ ۱ صفیہ ۱۰۲
- [۳] «انوابکی تمیزلہ»
- [۴] «ای آدم اوغللری، هر عبادت یری ایچون تمیز لباسکزی کیینکیز»

علماسی اللری میقروبلرہ اک چوق تماسدہ بولونوب اوللری اک چوق نقل ایدن بر عضو اعتبار ایدیور. صوکرہ، اللردہ اوخاچق بعض پارہ لر، جاتلاقلر اولورکہ اورالردن بر طاقیم میقروبلر دوران دمہ قاریشدق یا التهاب حصولہ کنیرلر، یاخود بر مہلک خستہ لنہ سبب اولورلر.

شو حالده طبابت جدیدہ شریعتک اللری بر دوزی بہ بیقامق خصوصندہ کی اوامرینہ موافق کلیور. کذلک اللرک مضضہ ایچون آغزہ کوتورولازدن اول بیقاماسندہ کی سر ایلہ قوللانیلہ جق صوبک تمیز و طعمی، رایحہ سی، رنگی دیکشمہ مش اولماسندہ کی وجوبک حکمتی بو صورتلہ تظاهر ایتمش اولیور.

آغزہ کلنجہ، بو عنصرک غددلعالیہ بی، اسنانی، لسانی احتوا ایندیکنی کورویورز. معلومدرکہ بکی چیکنہ مک ایلمک هضم اعتبار اولور. آغزده موجود میقروبلرک هپسی طعام ولعاب ایلہ برابر معدیہ کیدرک آھنکفی بوزار و اونی وظیفہ هضمی لایقیلہ ادا ایدہ مز حالہ کنیر. بوندن باشقہ دیشلرک آرمسندہ قالان بک بقایاسنکده متصل لعاب ایلہ برابر معدیہ اینہرک هضمی فسادہ و یرن میقروبلرک تکثیرنہ بویوک یاردیمی طوقونور.

معدہ راحتسزقلرینہ طوتولان خستہ لرہ اطبا آغزلری تمیزلہمہ بی، دیشلرینہ انی باقیہی دائما توصیه ایدرلر و آغزک بوتون اقسامی تمیز طوتقد کی اھالک معدہ ایچون الکضررلی و الکخطرلی برآفت اولدینی تکرار ایدوب طورورلر. بوندن دولاییدرکہ شریعت اسلامیه ایشی غایت صیقی طوتہرق ہر بیکدن صوکرہ آغزی بیقامہ بی، دیشلرک آرمہ سی تمیزلہمہ بی و اوزرلری مسواک لہ اوغہ بی مؤکد صورتده توصیه ایدیلور.

هر آبدست آلیبرکن طوتونیلان مسواکک مضر میقروبلری اولدورن عطری رایحہ سندن دولاییدرکہ علیہ الصلاة والسلام افندیز «امتمہ زحمت و یرمکدن چکینمسیدم هر نمازده کندیلرینہ مسواک طوتونمالری امر ایدرم، بویوریور. پورادہ کی امر امر وجوبیدر. برده صوایلہ مضضہ ایتمک، مسواک لہ، یاخود پارماقلرہ دیشلری اوغورق سایہ سندیہ آغزک شوراستدہ، بوراسندہ و دیشلرک آرمسندہ قالہرق تعفن ایتمش بک بقیلری بولوب چیقارمی امکانی حاصل اولدینی کبی بو صورتلہ داخل فمدہ کی غدد لعابیہ و اوردہ شعریہ و اوعیہ دمویہ تقویہ ایدلمش بولونور.

ایشته بیکلردن صوکرہ و هر آبدست و غسل انسانسندہ آغزی بیقاماناک مشروعیقیلہ اوآردہ مسواک، یاخود فورچہ استعمالک سری آکلاشیلیمش اولدی.

معلوم اولدینی اوزرہ بورون قوقلامق و نفس آلوب و یرمک ایچون

دماغ دائماً برطاقم دوشونجہ لرلہ پورولور ، ضعیف دوشو پور ، هجوم دمہ معروض قالور ؛ بناءً علیہ براز صو ایلہ مسح اولونماسی بونی منع ایستدیک کی دماغی دیکلندیرر و فعالیتہ کتیرر .

قولاقلرک ایچنہ ، طیشنہ ، قیوریق یرلرینہ و بونیک ایکی طرفہ صو ایلہ مسح اولونماسی دہ جلدک اوزرنده کی پسسلکلری ارالہ ایدر وزکامک منعنہ چوق مفید اولور .

آیاغک بیقائماسی اولای تمیزلک ایچوندیر . ثانیاً پارماقلرک آردہ سندنہ کی دری تمیزلنہ جک اولورسہ برچوق النہابی خستہ لقلری سرعتلہ آلیر . تدقیقات فنیہ دن تانانوس دینیلن مهلك خستہ لقلرک میقر و بلرینی آباقده کی جلدک سرعتلہ الدینی آ کلاشیلمشدر . بونک ایچوندیرکہ بالخاصہ حیات عسکر بہدہ آیاقلرک بیقائماسی رعایتی واجب تدابیر عجمیہ نک الہمہملر نندندر .

یوقاریدن بری سردایتدیکمز ایضاحات ایلہ معین عضولرک بیقائماسی ، یاخود مسیحی یوزندن حیات بشرہ ترتبایدہ جکی طباً ثابت اولان قطعی فائدلر آ کلاشیلمش دیمکدر . شیمدی ، شریعت اسلامیہ دہ آبدست نہدر ؛ مؤمنلر آردہ سندنہ کی ارباب صلاح و بصیرتک ہر کون نمازلرلہ برلکدہ تکرارایدوب طور دینی بو عملیہ دن مقصدنہ اولور ، اونی سویلہ لم :

مسلمان نماز قیلمق ایستہ نیچہ صاف ، تمیز برصوبک باشنہ کلہرک اوج کرہ اللرینی بیقار . صو کرہ یامسوالک ایلہ ، یافورچہ ایلہ ، یاخود بونلری بولہ مادینی صورتدہ پارمقلریلہ اوج کرہ آغزینی بیقار . و بوصوی اصلا یوتما یوب ہر مضمضہ دہ طیشاری بہ چیقاریر . صو کرہ یینہ بو صورتلہ اوج کرہ بورنہ صو آلیر ویرر . صو کرہ ہر طرفی تمیزلہ مک ، اوغمق شرطیلہ اوج کرہ یوزینی بیقار . صو کرہ یینہ تمیزلہ مک ، اوغمق شرطیلہ اوج کرہ قوللرینی دیرسکلرینہ قادار بیقار . صو کرہ باشنہ ، صو کرہ قولاقلرینہ ، صو کرہ بوبونیک ایکی طرفہ مسح ایدر . الہ صو کرہ دہ اوج کرہ آیاقلرینی بیقار .

ایستہ بو صورتلہ آبدستی آلوب بیتیردکن صو کرہ درکہ اومسلمان حقک حضورینہ طورہ رق مناجاتی عرض و اوزرینہ واجب اولان نماز و عبادتی ادا ایدہ بیلیر . آبدست ستر نمازہ کلنچہ بونک ہیچ حکمی یوقدر . و بویلہ بر نمازلہ فرض ساقط اولماز .

شیمدی ، اسلامک آدابندن اولدینی حالہ مدنیت حاضرہ اربابنک دقتی جلب ایتمہ بن رجعت داھاوار : آبدست و یاغسل انسانندہ برعضوی تطہیر ایچون قوللانیلوب دہ لسان شریعتدہ « ماء مستعمل » دینیلن صو دیگر عضولر ایچون استعمال اولونہ مازہ . چونکہ اعضادن برینی تمیزلہ مک ایچون قوللانیلان صو اورادہ کی میقر و بلری و افرازاات عرقیہ بی ، کذلک عینی عضودہ کی توری طور اغانی قائمشدر .

اسلام ہر نماز ایچون آبدست یوقسہ آلمابی وجوباً ، وارسہ تجدیدی استعجاباً امرایتدیک کی ، غسلی دہ اسبابی تحقیق ایدنچہ وجوباً امرایتمش

یارادیش برجہازدر . بناءً علیہ هوا ، توز ، طوپراق و فضا دہ بیلمش بر حالہ بولونان املاح متصاعدہ برطاقم ذرات و طفیلات میقر و بیہ بی بوجہازدن ایجری صوقار . ایستہ انسانی بوندن صیانت ایچون حکمت ربانی بوروندہ بوجہازک داخلی جدارلرینی قابلایان برطاقم قیللرلہ اینجہ جک توپلر یارائمش کہ خدمتلی اومضر میقر و بلرک آق حکرلرہ بول بولہ بیلمسی ، یاخود قنات دمویہ دن برینہ کیرمسی منع ایتمکدر . خارجدن بورونہ کیرن اجسامک خرد دین ایلہ معاینہ سندن بو حقیقت میدانہ چیقار و اوزمان اسلامک صو ایلہ بورونی مکمل صورتدہ بیقائماندہ کی حکمت آ کلاشیلیر . زیرا بو مضر جسملر کندیلرینی طاشیدان هوا ایلہ برلکدہ جکرلردہ کیرممدیکی صورتدہ بورونک جدارلرینہ پایشیر و ارادہ اوزون مدت قالدقہ غشای نخاعینک افزائیلہ برلکدہ ایجری بہ طوغرو اینمہ باشلار . بناءً علیہ مضمضہ دہ بر زہ انسانی بونلرک ویرہ جکی راحتسرلقدن قورتارمق ، صو کرہ دہ بورونہ چکیلہرک طیشاری بہ ویریلن صو واسطہ سیلہ خارجہ آتیلان بو میقر و ب بیغینلریک داخل بدنہ کیرملرینی منع ایتمک فائدہ سی وار . بونک ایچوندیرکہ صو آغزک و بورونک تانہایتلرینہ قادار کیدرک اورالردہ ، شمدی سویلہ دیکمز ، مضر اجسامدن برشی بر اقامق ایچون مضمضہ و استشاقک قوتلہ اجرایی امر نبوی ایجابیدر . بو صورتلہ بورونہ صو آلوب و یومکدہ ہر آبدست و غسلدہ تکرر ایدر طورور .

ہر آبدست و غسلدہ یوزک بیقائمانسہ کلنچہ بودہ برچوق فائدہ سندن دولاییدر . بر کرہ ال ایلہ اوغمرق بیقالمق جلدی قوتاندیرر ؛ باشدہ کی آغیرانی و بورغونانی تخفیف ایدر ؛ دوران دمی تنظیم یاردیمی اولور ؛ چونکہ قنات دمویہ بی تیبہ ایدرک طور غون قانلری جولانہ کتیرر . صو کرہ ، چیقان تری و یوزک مسامانندہ متراکم افرازااتی ازالہ ایدرک بشرہ بی نفسلندیرر . وتر غندہ لرینی حقیلہ ایفای وظیفہ دعوت ایدر . اوزمان وجود بر چوبکک ، بر زندہ لک طویمہ باشلار . حفظ الصحتہ دائر یکی یازیلان اثرلر یوزی بیقامایہ ، یوزدہ کی بوتون اعضانک ، بالخاصہ کوزلرک تمیزلکنہ اغنا اولونمایہ صوک درجہ دہ تشویق ایدیور . صو کرہ بو اثرلردہ ، شیمدی تفصیلہ حاجت کورہ مدیکمز ، اولہ اسباب و علل سرد اولونمش کہ اسلامک ہر کون تکرار تکرار آبدست آملقلہ تکلیفندہ کی حکمی حقیلہ ایضاح اینکدہ در .

ایستہ یوزک بیقائماندہ کی ایجابات و فوائدک قسم اعظمی جامع بولندینی ایچوندیرکہ شریعت اسلامیہ ہر آبدست آلینرکن قوللرکدہ دیرسکلرہ قادار بیقائماسی امر ایدیور .

آبدست آلینرکن باشہ مسح اولونمسندہ بویوک بر حکمت وار :

و جمعه و بایرام کونلرنده اغتسالی سنت سیردنه قویمشدر. اوت، شریعت آبدست کبی غسلک تکررینی اضرا تیمور. زیرا بر کره کوجلکی موجبدر؛ صوکره بدنک آبدست آلیز کن بیقائماسی ایجاب ایدن اقسامندن ماعداسی مستور بولوندینی ایچون اوتنه کیلرک معروض اولدینی شیلردن . مصوندر . شرائط صحیه سنه رعایتله ایدیلن غسلک فائده لری پک چوق . طبابتده بونک بویوک قیمتی وار . بدنک کیرلرینی کیده ریر ؛ جلده یوموشاقلق ویرر ، طراوت ویرر ؛ یورغون سیگیرلری دیگلدیرر ؛ اویقوی جلب ایدر ؛ وجودک ، دماغک کوشکلکی آلیر ؛ تر افراز ایدن غده لری فعالیت کتیرر .

عليه الصلاة والسلام افنديمزا بوالدردايه واعتن بالطهارة يطل عمرک = تمیزلکه اعتنا ایت که عمرک اوزون اولسون . . بویورمشلردی . ایشته بوارشادنیویده کی حکمت صوکره زمانلرده طبابت وحفظ صحت ایلرله دکن ، بناءً علیه شرائطه رعایت صورتیله بیقائمانک عمری آرتیران اسباب مطرده دن اولدینی تدقیقات ومشاهدات علمیا یله ثابت اولدقن صوکره آکلاشیله بیلدی .

برده کنديسندن بکله بيان مقصودک تحققی ایچوندر که شارع ماء مستعمل ايله غسلی باطل ساییور . بوندن باشقه شایدو مستعمل صوی قولالامش اولان آدم ساری بر خسته لقله معلول ایه شریعت اسلامیه بویله بر صوابله وقوع بوله حق غسلی یالکیز باطل عد ایتیمور ؛ او واسطه یله جرثومه مرضک انتقال ایتیمه سی ایچون بوسوی قولالامه یی باشقه لرینه صورت قطعیه ده تحریم ایدیور .

تجدد و تکمل

نعل طاشلری

کچنلرده اقدام غرتنه نلک صاحب امتیازی نشر ایتدیکی بر مقاله ده دییوردی که :

« انسانلر دکشمه مش، ذهنیت اسکیمی کبی قالمش، بر تربیه تمکنک آتلمشه احتیاج واردر ، فوق العاده رهبرله لزوم واردر ، نه اکابر مش ، نه علمامش ، نه ادبامش ، نه مکتبلریمز (نه مدرسه لریمز) تکاملدن خصه دار دکلدلر . » بن بوتلمک ذهنلرده آتلمسی فکر ندهیم . مکتب و مدرسه لریمزده تدریسات نه حالده در ؛ حیات حقیقیه اورادن نبعان ایدر . کیسه ادعا ایده بیلریمی که مؤسسات علمییه من حیثات عصریه تأمین ایده بیله جک بر مکملیق حائزدر ؟

مدنیت، قنون غریبه دیدیکمز جزئیات متفرقه دن عبارت اولدینی کبی ، غرتنه جیلرک ظن ایتدکلری کبی کشف حجاب صورتیله بردن بره اله ایدلمسی ممکن اولان بر جوهر مجردده دکلدلر . رهبر تعیرندن بر داعی، بر ادیب اعظم ، بر استاد محترم ، بر مهدی، بر صاحب خروج

مراد اولیورسه ابتدا بونلرک آرقه سندن کیده جک بر ملت حاضر لاملی که ، بونلرده برایش کورمک احتمالی تصور ایدیله بیلسین ، مدنیت محیطک استعدادیته کوره انکشاف ایدر . مسئله رهبرک کلکسند دکل ، طبع ملتده او استعدادک حاصل اولمسنده در . محیط مساعد اولمزه رهبرک ، یاخود رهبرلرک کوره جکی ایش یا حکمی محدود نتیجه لره منحصر قالیر ، یاخود ایلول آینک مهتابلی کیجه لرند فخر و قی ظهور ایدن شهابلرکی آرقه سنده شراره ماتیه نشر ایدن بر ذنب ترک ایدرک چیقار کیدر . بو پارلتیلر چوق چوق بر قاچ تانیه و یار قاچ دقیقه دوام ایدر . مارت و نیسان آیلرنده غروبیدن صکره افق غریبه ده ظهور ایدن مخروطی الشکل شفق لرده بویله در . بناءً علیه بر ملتده آره صره ظهور ایدن داهیلر حادثات جوییه بکیزه آثار روحیه دندر . داهیلر بعضاً علماء دین ایچنده ، بعضاً ادبا ایچنده ، بعضاً رجال ملکیه و عسکریه ایچنده ظهور ایدر . بونلر ایچنده یتشدیکی ملنک فیض حیاتی کوسترمک ایچون کلیرلر . طبع ملتده مرکوز اولان قوتلری محیطله تطبیق ایده بیلرسه ده ، خلقتک صور باطنه سی کسندده انطباع ایتدیرم بیلرلر ایه ، بر مدت حکمی دوام ایده بیایر . بونلر لسان حکمتده (حس مشترک) تعیر اولان بر قوه متوسطه در .

رهبرلره « بویوروک ، بوایشلری یالکیز باشکه سن کوره جکسک ، دینیه میه جکی کبی ، کورولمسی ایجاب ایدن ایشلرک نتیجه مسئولیتی ده اونلره تحمیل ایدیلر من . چونکه تعقیبی اقتضا ایدن زمینی کوسترمک بشقه ، او زمین حیانه یورومک بشقه برشیدر . وجود مزده موجود سیکیرلرکده بر قسمی حسیه ، دیگر بر قسمی حرکاته خدمت ایتمکه دکلیدر ؟ معانی جزئییه دن استفاده منی تأمین ایده جک شی شخص دکل ، ملنک قوه متصرفه سیدر . بو قوتک اعماله تحول ایدن شکلنه (قوه ارادیه) (فعالیت اختیاریه) دینلور . علم اجتماعده بوکا (حکومت) نامی ویریلیورکه قوه مدیره دیمکدر . مدنیت دیدیکمز و غایه اجتماعیه تعیر ایتدیکمز سعادت و وجوده کتورمک وظیفه سی در عهده ایدن قوتده بودر .

سعادت اجتماعیه نلک تملی یالکیز تربیه عملیه دکلدلر . تفکر دیدیکمز تصرفات ذهنیه در . جهل آزالدجه معرفت چوغالیر . قلبده علم چوغالدجه معرفت معرفتی انتساج ایدر . قلبلرده حقیقت چوغالدجه شواثب وهمیه آزالیر ، اعمال جوارحه اوکا کوره بر مجرای خلاصه کیرر . یوقسه هر شیئی رهبردن بکله مک ، حکومتی بر محله بکجه سی ظن ایتمک دیمک اولورکه ؛ بو حال ایلر بر ملنک بر مسلک مخصوص تکمل تعقیب ایتسنه احتمال ویریه من . حکومت ایسته دیکنی پایان بر قوه قاهره اولسیدی ، بیوک مقیاسده بر ضبطیه نظارتی وجوده کتورمک کفایت ایدردی .